

Na osnovu člana 69., a u vezi sa članom 72. Zakona o visokom obrazovanju ("Službene novine Kantona Sarajevo", broj: 36/22), člana 111., a u vezi sa članom 118. Statuta Univerziteta u Sarajevu, broj: 01-14-35-1/23 od 26.07.2023. godine i Odluke Vijeća Univerziteta u Sarajevu - Prirodno-matematičkog fakulteta, broj: 01/06-1280/1-2024 od 06.06.2024. godine, Vijeće Univerziteta u Sarajevu - Prirodno-matematičkog fakulteta raspisuje

**JAVNI KONKURS
za izbor dekana na
Univerzitetu u Sarajevu - Prirodno-matematičkom fakultetu
za mandatni period 2024-2028. godine**

Kandidati za izbor dekana treba da ispunjavaju uvjete utvrđene članom 70. i 72. Zakona o visokom obrazovanju ("Službene novine Kantona Sarajevo", broj 36/22) i članom 117. Statuta Univerziteta u Sarajevu, broj: 01-14-35-1/23 od 26.07.2023. godine i to:

- da je državljanin Bosne i Hercegovine;
- da je u radnom odnosu sa punim radnim vremenom na Univerzitetu u Sarajevu - Prirodno-matematičkom fakultetu;
- da je član Vijeća Univerziteta u Sarajevu – Prirodno-matematičkog fakulteta;
- da je izabran u naučnonastavno zvanje vanrednog ili redovnog profesora;
- da nije osuđivan za krivično djelo i da se protiv istog ne vodi krivični postupak;
- da nije predsjednik ili član Upravnog odbora Univerziteta u Sarajevu;
- da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa, političkim strankama i sindikalnim organizacijama.

Dekan Univerziteta u Sarajevu - Prirodno-matematičkog fakulteta se bira na mandatni period od četiri (4) godine sa mogućnošću još jednog uzastopnog izbora.

Uz svojeručno potpisanu Prijavu, kandidati su obavezni dostaviti:

- 1) Biografiju/CV potpisanu od strane kandidata;
- 2) Bibliografiju potpisanu od strane kandidata;
- 3) Opis naučnog i stručnog rada potpisan od strane kandidata;
- 3) Program rada za mandatni period potpisan od strane kandidata (u printanoj i elektronskoj formi);
- 4) Izvod iz matične knjige rođenih;
- 5) Uvjerenje o državljanstvu (ne starije od 3 mjeseca);
- 6) Odluku Senata o izboru u akademsko zvanje redovnog profesora ili vanrednog profesora (posljednji izbor u akademsko zvanje);
- 7) Potvrdu da je član vijeća i da je u stalnom radnom odnosu sa punim radnim vremenom na Univerzitetu u Sarajevu - Prirodno-matematičkom fakultetu izdatu nakon objavljivanja Javnog konkursa;
- 8) Potpisanu i ovjerenu izjavu od strane nadležne općinske službe ili notara kojom kandidat potvrđuje sljedeće:
 - da nije politički angažovan u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa, političkim strankama i sindikalnim organizacijama
 - da uredno ispunjava obaveze utvrđene članom 134. stav (2) Zakona o visokom obrazovanju i članom 229. Statuta Univerziteta u Sarajevu (odnosi se samo na kandidate u naučnonastavnom zvanju redovnog profesora)
 - da nije predsjednik ili član Upravnog odbora Univerziteta u Sarajevu.

Tražena dokumentacija uz Prijavu se dostavlja u originalu ili ovjerenoj kopiji.

Kandidati koji ispunjavaju uvjete za izbor dekana javno će prezentirati ponuđeni program rada na sjednici Vijeća Univerziteta u Sarajevu - Prirodno-matematičkog fakulteta.

Kandidat koji bude izabran dužan je dostaviti:

- Uvjerenje da nije osuđivan za krivično djelo i da se protiv istog ne vodi krivični postupak;
- Ovjerenu Izjavu da se na istog ne odnosi član IX. stav (1) Ustava Bosne i Hercegovine.

Javni konkurs ostaje otvoren 15 (petnaest) dana od dana objavljivanja. Prijave slati na adresu Univerziteta u Sarajevu - Prirodno-matematičkog fakulteta, ul. Zmaja od Bosne br. 33/III preporučeno putem pošte u zatvorenoj koverti (**sa naznakom „PRIJAVA NA JAVNI KONKURS ZA IZBOR DEKANA NA UNIVERZITETU U SARAJEVU – PRIRODNO-MATEMATIČKOM FAKULTETU – ZA KOMISIJU - ne otvarati**) ili direktno na Protokol, soba 319/III (visoka zgrada) od 09-15h. Bliže informacije se mogu dobiti na telefon: 033/723-778.

Neblagovremene i nepotpune prijave neće se uzeti u razmatranje.

Konkursna dokumentacija neće se vraćati.